

Dialog karyawan dan seniman hari ini

46 28-10-2012 B5

KARYAWAN dan seniman dipelawa untuk menghadiri Dialog Karyawan dan Seniman yang akan diadakan di Sudut Penulis Dewan Bahasa dan Pustaka Cawangan Sabah pada 28 Oktober (hari ini) bermula jam 8.30 pagi.

Yang Di Pertua Persatuan Kreativiti dan Inovasi Sabah, Laliman Haji Ahmad beberapa personaliti sastera telah mengesahkan kehadiran mereka.

Antaranya ialah Dato Seri Jenar Lamdah, seorang penulis yang akan membicarakan mengenai industri Kreatif, Ketua Satu Ikatan Penulis Sabah (IPS), Hasyuda Abadi yang

membincangkan masalah dan isu penulis, Suhaimi Magi, tokoh seniman yang juga Pensyarah Sekolah Pengajian Seni UMS yang akan membincangkan Seni Persembahan dan Junaidi Jumaat yang juga Pengurus karya Agung Fotografi.

Laliman berkata, Pengurus Besar Lembaga Kebudayaan Sabah, Datu Rosmadi Sulai dijangka menghadiri dialog itu bersama wakil JKKNS dan DBP Sabah sendiri.

Program itu dianjurkan oleh Persatuan Kreativiti dan Inovasi Sabah dengan kerjasama Ikatan Penulis Sabah (IPS). Semua pengkarya, aktivis dipelawa hadir

ke majlis itu.

Menurutnya, budayawan Haji Ismaily Bungsu dan Masbak Haji Rumashid dijangka akan menghadiri dilog karyawan itu.

Katanya, beberapa topik berkaitan isu-isu karyawan dan seniman termasuk soal profesionalisme dalam karya dan pengkaryaan akan dibincangkan dalam dilaog itu kelak.

Beliau mempelawa, semua penggiat dan aktivis seni termasuk aktivis teater, penyanyi, tari, muzik, seni tampak, pengarca, landskap, busana, seni visual dan animasi, penyanyi dan sebagainya untuk hadir dalam dialog itu.